

# Aqua alta

(1970)

di Gualtiero Bertelli

Periodo: La contestazione e i movimenti di liberazione (1967-1979)

Lingua: veneto

Indirizzo: <https://www.ildeposito.org/canti/aqua-alta>

Me la sentivo,  
Nina, sui ossi  
sta aqua fredda che adesso vien su.  
Me la spetavo  
giorno par giorno  
come un pegno, na cambial da pagar.

I xe giorni duri sti qua de novembre,  
te par che tuto te voglia magnar.  
El mar se ingrosa, el vento no'l smete  
e sta piovà no te lassa dormir.

Ti pensi note e giorno  
"eco adesso la riva",  
ti cori note e giorno  
a salvar ste quatro strasse,  
pronto note e giorno  
che te par quasi na guera  
na guera senza fine che no te lassa sperar.

E po de colpo,  
amor, ste sirene  
e fora vento  
e scuro e piova  
e te ritorna  
na vecia paura che ti credevi  
de lassar vint'ani fa.

Cori che l'aqua vien su dal gabineto,  
salvemo almanco sti quatro schei de roba.  
Varda se i fioi xeli ancora in leto,

lassa che i dorma che no i veda sta miseria.

Ti tiri su tuto,  
più presto de na gara,  
e po ti resti fermo sula porta a spetar,  
ora par ora ti controlli sul muro  
se la cresse, se la cala  
se la resta, se la va.

E varda sta zente  
che passa par strada,  
i ciapa tuto come un brutto destin.  
Ti te ricordi tre ani fa i sigava  
adesso par quasi che i se staga a divertir.

Co sta scusa in tre ani, in tre volte,  
anca i più duri i se ga abituà.  
El mar ne copa e nissun no fa gnente,  
ansi me par che i ghe daga na man.

I parla de salvarla sta tera sfortunada  
de tirar su tuto, de farghe na diga  
e intanto i scava po intèra  
se va sempre pèso ma gha basta parlar.

"Dame li stivali Nina, vado via  
se ti ga bisogno de mi so al bar"

Vado a farne la solita partia,  
ti no pensarghe, prepara da magnar.

lalalalalalalalala

## Informazioni

Dal disco "I giorni della lotta" (1970). Canzone sulla tragica situazione abitativa veneziana per chi abita al piano terra. (Simone S. - Venezia)